



CONVENIO DE COLABORACIÓN ENTRE A CONSELLERÍA DO MEDIO RURAL E O LABORATORIO INTERPROFESIONAL GALEGO DE ANÁLISE DO LEITE (LIGAL) PARA A REALIZACIÓN DAS ANÁLISES DE MOSTRAS DE LEITE PROCEDENTES DO CONTROL LEITEIRO DO GANDO VACÚN DE GALICIA NAS EXPLOTACIÓNS LEITEIRAS PARA O PERÍODO 2017-2020.

En Santiago de Compostela, 1 de xaneiro de 2017

REUNIDOS

Dona Ángeles Vázquez Mejuto actuando en nome e representación da Consellería do Medio Rural, en virtude das facultades que lle atribúe o artigo 34.1 da Lei 1/1983, do 22 de febreiro, reguladora da Xunta e da súa Presidencia.

E Don Roberto Lorenzana Fernández, con DNI 34895054Y, actuando en nome e representación do Laboratorio Interprofesional Galego de Análise do Leite (LIGAL), na súa condición de Director Xerente, tal como se acredita na escritura de apoderamento número 2.447 do ano 2013, outorgada ante Óscar Manuel López Doval, notario de Betanzos,

Cada un intervén en función do seu cargo, no exercicio das facultades que para convir en nome das entidades que representan teñen conferidas, recoñecéndose mutua e respectiva competencia e capacidade suficiente para formalizar este Convenio de colaboración.

EXPOÑEN

Primeiro. Segundo o establecido no artigo 30.1.3 do Estatuto de Autonomía de Galicia, a Comunidade Autónoma de Galicia ten competencia exclusiva, de acordo coas bases e a ordenación da actuación económica xeral e a política monetaria do Estado, en materia de agricultura e gandería.

Segundo. Entre outras funcións, a Consellería do Medio Rural é competente no desenvolvemento das accións necesarias para a ordenación, fomento e control da produción gandeira, en particular, a Comunidade Autónoma de Galicia é responsable do funcionamento do control leiteiro oficial, executado a través do Centro Galego de Control Leiteiro (CEGACOL).



Terceiro. O Real Decreto 368/2005, de 8 de abril, polo que se regula o control oficial do rendimento leiteiro para a avaliación xenética nas especies bovina, ovina e caprina, establece no artigo 14º a necesidade de contar, polo menos, cun laboratorio para realizar as análises do control leiteiro oficial.

Cuarto. O Decreto 120/2011, do 16 de xuño, polo que se establece a estrutura organizativa responsable do funcionamento do control leiteiro oficial en Galicia, no seu artigo 3º, designa ao Laboratorio Interprofesional Galego de Análise do Leite (LIGAL), como laboratorio oficial para realizar as análises das mostras de leite dos controis leiteiros oficiais de todas as especies en Galicia, e, polo tanto, para colaborar coa Consellería do Medio Rural na execución do control leiteiro na comunidade autónoma.

Quinto. As actividades a desenvolver enmárcanse no disposto no Real Decreto 368/2005, do 8 de abril, polo que se regula o control oficial do rendimento leiteiro para a avaliación xenética nas especies bovinas, ovina e cabrúa e no Decreto 120/2011, do 16 de xuño, polo que se establece a estrutura organizativa responsable do funcionamento do control leiteiro oficial en Galicia.

Sexto. O sector lácteo ocupa unha posición estratéxica no agro galego. A súa importancia xustifica a intervención pública en aras ao mantemento dunha actividade que representa unha alta porcentaxe da produción final agraria galega e do emprego no rural. A mellora xenética é un elemento imprescindible na competitividade das explotacións leiteiras. Os datos obtidos a partir das análises das mostras de leite, proporcionan unha información imprescindible para a avaliación xenética dos reprodutores, sen a que non sería posible o desenvolvemento do Programa de Mellora Xenética de Frisón de Galicia, auspiciado pola Consellería do Medio Rural. Con estas premisas, a Xunta de Galicia colaborará activamente co LIGAL na xestión do control leiteiro, entre outras funcións descritas no presente convenio, asumindo a parte dos custos das analíticas que, alén dos gandeiros en control, redundan nun beneficio do sector leiteiro galego no seu conxunto.

Sétimo. A Xunta de Galicia a través da sinatura do presente convenio obterá os seguintes activos inmateriais:

- Permitirá a obtención dunha base de datos con índices cuantitativos e cualitativos sobre as producións dos individuos destas razas, ademais de establecer as bases para os futuros programas de mellora na Frisona galega. En diante, os programas de mellora da raza contarán con criterios de selección máis sólidos e enfocados non só a criterios de produción, senón tamén a rusticidade e resistencia a enfermidades.
- Afianzará un dos piares fundamentais para o desenvolvemento do actual Programa de Mellora Xenética de Frisón de Galicia, o que permitirá a obtención dunha cabana gandeira galega máis selecta e eficiente na produción de leite, contribuíndo á mellora da eficacia dos sistemas produtivos agrarios e das calidades nas súas producións e á optimización na utilización das



oportunidades e recursos dispoñibles, coa consecvente incidencia a nivel económico e social.

- Reforzará aínda máis a capacidade de adaptación da raza aos sistemas de produción cada vez máis modernos e esixentes.

Ámbas as dúas partes acordan asinar ao presente convenio de acordo coas seguintes

CLÁUSULAS

PRIMEIRA. Obxecto

O obxecto deste convenio é regular as condicións de cooperación entre a Consellería do Medio Rural e o Laboratorio Interprofesional Galego de Análise do Leite (LIGAL), para a realización das análises das mostras de leite correspondentes ao control do rendimento leiteiro oficial para a avaliación xenética na especie bovina na Comunidade Autónoma de Galicia e a súa participación no Programa de mellora xenética de Frisón, no marco do Decreto 120/2011, do 16 de xuño de 2011, para o período 2017-2020.

SEGUNDA. Obrigas do LIGAL

O LIGAL, como laboratorio oficial designado para a realización das análises das mostras de leite dos controis leiteiros oficiais comprométese a cumprir coas seguintes obrigas:

1. Realizar as analíticas do número de mostras que corresponda anualmente:

Para determinar o número de mostras a analizar cada ano, téñense en conta as lactacións válidas finalizadas do ano anterior: De acordo co Real Decreto 368/2005, do 8 de abril, polo que se regula o control oficial do rendimento leiteiro para a avaliación xenética nas especies bovinas, ovina e cabrúa, considérase lactación válida finalizada, como a lactación calculada a partir do conxunto de datos normalizados obtidos do control leiteiro oficial dunha femia inscrita no libro xenealóxico, por un período de tempo continuo tras o parto e cuxa información será válida para incorporar ao esquema de selección.

Esta información obtense en base aos datos oficiais de rendimento leiteiro do ano anterior e a certificación emitida pola directora xeral de Gandaría, Agricultura e Industrias Agroalimentarias antes do 30 de marzo de cada ano. (Certificación emitida de acordo co establecido no *Artigo 19 alínea 3 do Real Decreto 368/2005 de 8 de abril*).



O número de mostras obterase de multiplicar as lactacións válidas finalizadas o ano anterior por 12, sen que o custe destas analíticas superarse en ningún caso a dotación orzamentaria prevista para cada anualidade.

2. Recoller as mostras do leite procedentes do Control Leiteiro Oficial nos puntos de recollida establecidos a tal efecto e repartidos por toda a xeografía de Galicia en función das explotacións gandeiras en control.

3. Transportar as mostras en furgón refrixerado dende os puntos de recollida e con destino directo ao laboratorio.

4. Recoller as mostras cunha frecuencia mínima de 3 días por semana, e entregar á Consellería do Medio Rural un calendario cos días e puntos de recollida.

5. Realizar informes sobre a calidade físico-química do leite individual de todas as vacas en control leiteiro oficial de Galicia e ata un máximo de 12 controis por vaca e lactación.

6. Entregar os informes a través do correo electrónico, nun ficheiro ASCII, enviando a información analizada a diario, xunto coas incidencias das mostras, ao día seguinte da realización das análises, excepto as realizadas os venres e sábados de cada semana que se enviarán o luns seguinte. Nos casos de retraso o LIGAL presentará un informe escrito ante a Consellería do Medio Rural no que xustifique dito retraso e os medios aportados para restablecer a situación normal no tempo máis curto posible.

7. Dispor de programas informáticos e elementos necesarios para a identificación electrónica de cara á captación informatizada dos datos xerados nos correspondentes analizadores. As mostras de leite irán nun frasco plástico identificadas cunha etiqueta de código de barras que identifica a cada unha delas e que permitirá o rexistro electrónico dos resultados das análises, e que xerarán o ficheiro que será enviado á Consellería. Naqueles casos das mostras non identificadas coa correspondente etiqueta, o laboratorio deberá achegar manualmente ao resultado da análise o número identificativo da mostra co fin de xerar os ficheiros correspondentes a este tipo de mostras.

8. Aportar as gradillas para o transporte das mostras contidas nos envases de plástico, cos conservantes necesarios e as etiquetas para a súa identificación.

9. Realizar unha análise por cada mostra recibida coas seguintes determinacións:

- Composición química: graxa, proteína e sólidos totais.
- Determinacións do estado sanitario: recuento de células somáticas.

10. As análises serán realizadas en menos de 36 horas dende a recepción das mostras nos puntos de recollida.



11. Facer as calibracións periódicas dos equipos para o seu mantemento en condicións idóneas de cara á realización das análises. Neste senso, o laboratorio proporcionará toda a información que os técnicos da Consellería precisen para comprobar o bo funcionamento dos equipos.

TERCEIRA

A Consellería do Medio Rural, como responsable do funcionamento do control leiteiro oficial, respecto á colaboración na realización das análises das mostras de leite dos controis leiteiros oficiais comprométese a cumprir coas seguintes obrigas:

1. Facilitar ao LIGAL os ficheiros informáticos cos datos das explotacións en control, así como as altas, baixas e cambios de titularidade que se produzan no tempo de duración do convenio.
2. Uniformar os documentos de traballo e o contido dos ficheiros informáticos empregados pola Consellería do Medio Rural e o LIGAL de cara a unha maior operatividade na xestión e procesado dos datos.
3. Elaborar as instrucións para a correcta execución da toma de mostras, de xeito que se adapte aos protocolos de actuación do laboratorio.
4. Supervisar que a toma de mostras se realiza de acordo coas instrucións enviadas.
5. Elaborar e actualizar o mapa cos puntos de recollida repartidos por toda a xeografía galega. Para adaptarse ao fluxo de explotacións que entren a formar parte ou ben abandonen o programa oficial de control leiteiro e poder así optimizar os medios, será a encargada de actualizar as modificacións do mapa, sempre consensuadas co LIGAL. O número non será en ningún caso inferior a trinta (30) repartidos por toda a xeografía galega.
6. Recepcionar a información xerada polos estudos das mostras para o seu procesado e depurado.

CUARTA. Financiamento

A Consellería do Medio Rural financiará parcialmente as analíticas das mostras de leite do control leiteiro oficial realizadas con posterioridade á sinatura do convenio a razón de 0,31€ por mostra analizada (IVE incluído), con cargo á aplicación orzamentaria **13.03.713C.640.8**. O importe total ascende a un millón oitocentos vinte mil euros (1.820.000,00 €). Estará condicionado á existencia de dispoñibilidade orzamentaria e distribuirase coa seguinte dotación máxima para cada unha das anualidades do convenio:

2017: 455.000,00 €

2018: 455.000,00 €

2019: 455.000,00 €



2020: 455.000,00 €

Esta cifra só cobre os custos de realización da actividade para cada unha das anualidades.

A tramitación deste expediente acóllese á Orde da Consellería de Economía e Facenda do 11 de febreiro de 1998, modificada polas Ordes do 27 de novembro de 2000, e 25 de outubro de 2001, que regula a tramitación anticipada de expedientes de gasto, polo que a aprobación do expediente queda condicionado á efectiva existencia de crédito axeitado e suficiente nos orzamentos da Comunidade Autónoma para o 2017.

QUINTA. Xustificación

O LIGAL presentará mensualmente perante a Subdirección Xeral de Gandería a memoria das actuacións realizadas acompañada da factura correspondente. Unha vez certificados os traballos polo subdirector xeral de Gandería, procederase ao seu pagamento.

A Consellería resérvase o dereito de solicitar toda a documentación que considere precisa, en relación coas actividades realizadas no marco do convenio e emitirá informe de conformidade coas actuacións levadas a cabo.

Toda a documentación incluída na xustificación presentarase tamén en formato dixital '.pdf'

SEXTA. Relacións laborais

A subscrición do convenio non supón relación laboral contractual ou de calquera outro tipo entre os profesionais e os empregados do LIGAL que desenvolvan as actividades programadas e a Xunta de Galicia.

SÉTIMA. Comisión de seguimento

Para o desenvolvemento do presente convenio de colaboración, constituirase unha comisión de seguimento integrada por un representante de cada institución asinante.

Esta comisión encargarse, así mesmo, de establecer e definir criterios e pautas de actuación a seguir, así como de levar a coordinación, a supervisión técnica das accións previstas no convenio e os resultados acadados.

A Consellería do Medio Rural ostenta a prerrogativa da interpretación e resolución de cantas dúbidas e controversias xurdan na aplicación do convenio.



OITAVA. Controis

A Consellería do Medio Rural exercerá o seguimento e control das actuacións obxecto de convenio co persoal técnico da Dirección Xeral de Gandería, Agricultura e Industrias Agroalimentarias.

O LIGAL comprométese a colaborar na execución dos controis nos termos que se precisen. Igualmente, acepta someterse aos controis que legalmente procedan a cargo da Intervención Xeral da Xunta de Galicia, do Consello de Contas, dos órganos comunitarios de inspección e do Servizo de Auditoría Interna do FOGGA.

NOVENA. Propiedade intelectual e publicidade

A propiedade intelectual dos traballos e dos datos obtidos no desenvolvemento do presente convenio pertencerá á Consellería do Medio Rural. O Laboratorio non poderá facer uso da información xerada por estes estudos nin entregala a outra persoa distinta da que representa á Consellería, agás coa autorización expresa e escrita.

En calquera caso, a difusión por calquera das partes de información relativa ao presente convenio deberá facer mención expresa a este.

DÉCIMA. Resolución

Son causas de resolución do presente convenio: o incumprimento total ou parcial dalgunhas das súas cláusulas, o transcurso do tempo estipulado sen que se culminen as actividades acordadas, e as modificacións das directrices de desenvolvemento sen contar coa previa autorización escrita da Consellería do Medio Rural.

DÉCIMO PRIMEIRA. Vixencia

A duración do presente convenio rematará coa finalización das accións obxecto do mesmo o 31 de decembro de 2020.

DÉCIMO SEGUNDA. Consentimento

As partes asinantes deste convenio outorgan o seu consentimento para que os datos persoais e o resto das especificacións que constan no citado convenio sexan publicados no Portal de Transparencia e Goberno Aberto e no Rexistro de Convenios da Xunta de Galicia, de acordo co establecido no artigo 15 da Lei 1/2016, do 18 de xaneiro, de transparencia e bo goberno, no Decreto 126/2006, do 20 de xullo, polo que se regula o Rexistro de Convenios da Xunta de Galicia, e en concordancia cos artigos 14 e seguintes da Lei 19/2013, do 9 de decembro, de transparencia, acceso á información pública e bo goberno.



DECIMO TERCEIRA. Natureza

Este convenio ten natureza administrativa e rexerase polas súas propias cláusulas. A xurisdición contencioso - administrativa será a competente para entender os litixios que puideran xurdir.

E en proba de conformidade, asinan por duplicado o presente convenio de colaboración no lugar e data indicados no encabezamento.

Pola Consellería do Medio Rural

Polo LIGAL

Ángeles Vázquez Mejuto

Roberto Lorenzana Fernández

ANEXO I. DESGLOSE ORZAMENTARIO ANUAL DOS GASTOS DO CONVENIO

CONCEPTO	TIPO DE GASTO	EUR	EUR/mostra
CUSTES DIRECTOS ANÁLISE MILKOSCAN + FOSSOMATIC	- Persoal técnico	98.979,86	0,07
	- Materiais, funxibles e outros	38.392,98	0,03
	- Amortización	36.583,63	0,03
		173.956,47	0,12
		+	



CUSTES INDIRECTOS CONTROL LEITEIRO	- Mostraxe, transporte, recepción e clasificación	96.278,75	0,07
	- Proceso de datos: hardware, software, procesado, análise e envío de datos.	20.414,52	0,01
	- Controis de calidade en procesos analíticos e documentais.	3.472,42	0
	- Mantemento de equipos de análise e instalacións.	26.084,60	0,02
	- Administración e dirección.	55.826,30	0,04
		202.076,59	0,14
CUSTE TOTAL (sen IVE)		376.033,06	0,26
CUSTE TOTAL (con IVE)		455.000,00	0,31